

सङ्कट मोचन श्री हनुमान् अष्टकम्

बाल समय रवि भक्षि लियो तब तीनहु लोक भयो अँधियारो।
ताहि सों त्रास भयो जग को यह सङ्कट काहो सों जात न टारो ॥
देवन आनि करी बिनती तब छाँडि दियो रवि कष्ट निवारो।
को नहिं जानत है जगमें कपि सङ्कट मोचन नाम तिहारो ॥ १ ॥

बालि की त्रास कपीस बसै गिरि जात महाप्रभु पंथ निहारो।
चौंकि महा मुनि साप दियो तब चाहिय कौन बिचार बिचारो ॥
कै द्विज रूप लिवाय महाप्रभु सो तुम दास के सोक निवारो।
को नहिं जानत है जगमें कपि सङ्कट मोचन नाम तिहारो ॥ २ ॥

अङ्गद के सङ्ग लेन गये सिय खोज कपीस यह बैन उचारो।
जीवत ना बचिहौ हम सो जु बिना सुधि लाए इहाँ पगु धारो ॥
हेरि थके तट सिंधु सबै तब लाय सिया सुधि प्रान उबारो।
को नहिं जानत है जगमें कपि सङ्कट मोचन नाम तिहारो ॥ ३ ॥

रावन त्रास दर्ई सिय लो सब राक्षसि सों कहि सोक निवारो।
ताहि समय हनुमान महाप्रभु जाय महा रजनीचर मारो ॥
चाहत सीय असोक सों आगि सु दै प्रभु मुद्रिका सोक निवारो।
को नहिं जानत है जगमें कपि सङ्कट मोचन नाम तिहारो ॥ ४ ॥

बान लग्यो उर लछिमन के तब प्रान तजे सुत रावन मारो।
लै गृह बैद्य सुषेन समेत तबै गिरि द्रोण सु बीर उपारो ॥
आनि सजीवन हाथ दर्ई तब लछिमन के तुम प्रान उबारो।
को नहिं जानत है जगमें कपि सङ्कट मोचन नाम तिहारो ॥ ५ ॥

रावन जुद्ध अजान कियो तब नाक कि फाँस सबै सिर डारो।
श्री रघुनाथ समेत सबै दल मोह भयो यह सङ्कट भारो ॥
आनि खगेस तबै हनुमान जु बंधन काटि सुत्रास निवारो।
को नहिं जानत है जगमें कपि सङ्कट मोचन नाम तिहारो ॥ ६ ॥

बन्धु समेत जबै अहिरावन लै रघुनाथ पताल सिधारो।
देबिहिं पूजि भली विधि सों बलि देउ सबै मिलि मन्त्र बिचारो ॥
जाय सहाय भयो तब ही अहिरावन सैन्य समेत सँहारो।
को नहिं जानत है जगमें कपि सङ्कट मोचन नाम तिहारो ॥ ७ ॥

काज किये बड देवन के तुम बीर महाप्रभु देखि बिचारो।
कौन सो सङ्कट मोर गरीब को जो तुमसों नहिं जात है टारो ॥
बेगि हरो हनुमान महाप्रभु जो कुछ सङ्कट होय हमारो।
को नहिं जानत है जगमें कपि सङ्कट मोचन नाम तिहारो ॥ ८ ॥

लाल देह लाली लसै अरु धरि लाल लँगूर।
बज्र देह दानव दलन जय जय जय कपि सूर ॥

bāla samaya rabi bhakṣi liyo taba tīnahu loka bhayo andhiyāro |
tāhi soṁ trāsa bhayo jaga ko yaha saṅkaṭa kāho soṁ jāta na ṭāro ||
devana āni karī binatī taba chāṇḍi diyo rabi kaṣṭa nivāro |
ko nahim jānata hai jagameṁ kapi saṅkaṭa mocana nāma tihāro || 1 ||

bāli kī trāsa kapīsa basai giri jāta mahāprabhu pantha nihāro |
caumki mahā muni sāpa diyo taba cāhiya kauna bicāra bicāro ||
kai dvija rūpa livāya mahāprabhu so tuma dāsa ke soka nivāro |
ko nahim jānata hai jagameṁ kapi saṅkaṭa mocana nāma tihāro || 2 ||

aṅgada ke saṅga lena gaye siya khoja kapīsa yaha baina ucāro |
jīvata nā bacihau hama so ju binā sudhi lāe ihām pagu dhāro ||
heri thake taṭa sindhu sabai taba lāya siyā sudhi prāna ubāro |
ko nahim jānata hai jagameṁ kapi saṅkaṭa mocana nāma tihāro || 3 ||

rāvana trāsa daī siya lo saba rākṣasi soṁ kahi soka nivāro |
tāhi samaya hanumāna mahāprabhu jāya mahā rajanīcara māro ||
cāhata sīya asoka soṁ āgi su dai prabhu mudrikā soka nivāro |
ko nahim jānata hai jagameṁ kapi saṅkaṭa mocana nāma tihāro || 4 ||

bāna lagyo ura lachimana ke taba prāna taje suta rāvana māro |
lai grha baidya suṣena sameta tabai giri drona su bīra upāro ||
āni sajīvana hātha daī taba lachimana ke tuma prāna ubāro |
ko nahim jānata hai jagameṁ kapi saṅkaṭa mocana nāma tihāro || 5 ||

rāvana juddha ajāna kiyo taba nāka ki phāmsa sabai sira ḍāro |
śrī raghunātha sameta sabai dala moha bhayo yaha saṅkaṭa bhāro ||
āni khagesa tabai hanumāna ju baṁdhana kāṭi sutrāsa nivāro |
ko nahim jānata hai jagameṁ kapi saṅkaṭa mocana nāma tihāro || 6 ||

bandhu sameta jabai ahirāvana lai raghunātha patāla sidhāro |
debihim pūji bhalī bidhi soṁ bali deu sabai mili mantra bicāro ||
jāya sahāya bhayo taba hī ahirāvana sainya sameta saṁhāro |
ko nahim jānata hai jagameṁ kapi saṅkaṭa mocana nāma tihāro || 7 ||

kāja kiye baḍa devana ke tuma bīra mahāprabhu dekhi bicāro |
kauna so saṅkaṭa mora garība ko jo tumasoṁ nahim jāta hai ṭāro ||

Saṅkaṭa Mocana Śrī Hanumān Aṣṭakam

begi haro hanumāna mahāprabhu jo kucha saṅkaṭa hoyā hamāro |
ko nahim jānata hai jagameṁ kapi saṅkaṭa mocana nāma tihāro || 8 ||

lāla deha lālī lasai aru dhari lāla laṅgūra |
bajra deha dānava dalana jaya jaya jaya kapi sūra ||